

مسئولیتی کاملاً او آغین بوجهلاره ، اوجیلغین بو لهبلره ، او جنت اشراك ايله قودورمش عتبهلره ، شیهلره عاقله برابرینه فرط شفقت و مرحمتی مبارک کوزلرینی آغلانیور ، اینجی دانهلری کبی ایری ایری یاشار دو کوریوردی .

ای ... او نه آن پرهیجان ایدی ! سجده کاه محمدی او مقدس یاشارله ایصالانیور ، کره ارض قهر و غضب الیهین قورقوس نندن تیرییوردی . جلال محمدی بر مرتبه استغراقه کلدی ، که « اللهم انشدك عهدك و وعدك ! اللهم ! ان شئت لم تعبد = یاربی نصرتکی عهد ، مظفریتی وعد بیوردک . ایشته بن بو عهدو عدکی بودقیقه ده کمال جدیت و اهمیتله نیاز و استرحام ایدرم . زیرا بو کون بزم مغلوبیتمز اسلامیتک ، توحیدک شهادتیدر . اللهم ! اکر معبودیت صفت ازلیهک تجلیسنی ایسته میورسهک بخاری : غزه بدر کبری . » دعای مستجابی مقدس آغزلرندن آتشار ، آلور کبی صاحبیلدی . بومهییب صدای جلال ايله سراپا لرزه مجسم کیسلین یارغارلری جناب صدیق اعظم (علیه رضوان الله الاکبر) (حسبک یارسول الله = امان یارسول الله کافی ! کافی !) دیمکده براضطرار روح ایچنده قالدی . اوف ..! بیلور میسکز ؟ « اللهم ان شئت لم تعبد » دن مقصد عالی محمدی نه ایدی ؟ بو ، الهنه برامتنان می ایدی ؟ حاشا ! بو ، نصرت حقندن ، وعد مظفریتدن اندیشه میدی ؟ کلا ! بو ، روح اعظم احمدینک اویله بر بارقه جلالی ایدی ، که اکر حضرت ثانی بوالبشرک « رب ! لاتذر علی الارض من الکافرین دیاراً » شککنده تجلی ایتیش اولایدی ارتق بلم کره ارض ، یالکیز کره ارض دکل ، بوتون عوالم ، صدمات قهر و جلال حق ايله نه اولوردی !

خلاصه : حربه باشلاندی ؛ جیش اسلامیتک یک شانلی برغلبه قطعیه سیله ختام بولدی . ایشته او دقیقه مظفریت ایدی ، که حیات دینک ، شوکت توحیدک ایلک تمیل طاشی قوندی . بو حرب ، استقلال دینی و ملیتمزک - عادتاً - وضع اساسی دیمک اولدی .

او یله نازک بر آن ، او قدر خطرناک بروضعیت ، که مغلوبیت ده قطعی ، غالبیت ده .

اردوی هایونک - اوچیوز اون درت کشیدن عبارت اولان - موجودی دشمنک کثرت اسلحهک مکملیتنه نظراً او یله بر میدان محاربه سنه قطعاً مساعد دکلدی . بو ، انجق بر پیشدار ، بر طلیعه اوله بیلیردی . بوندن قطع نظر ، مهر اسلامیت هنوز مهتدیلمرینک ، قلبلرینی تنویر ایتیمکده اولمندن بویکی مؤمنلرک قارشیلرینه چیقان دشمنلری میاننده پدرلری ، برادرلری ، عموجهلری ، عموجه زادهلری ، حاصلی یقیندن ، اوزاقدن اقربالری بولونیوردی . عصیت ملیه و عنصریه سیله تفرد ایتیش اولان بر قوم افرادینک ایکی به آریلوبده یکدیگرینه قارشق قلیج صیرمه لری ، بر برلرینی تولدیرمه لری - دوشونولسون - قولای بر شیمیدر ؟ بر مجاهدک ، عموجه سنی بر ضربه ده یره سرو بده کوکسی اوزرینه چیقمسی ، « عموجه که قییار میسک ؟ » سؤال مسترحمانه سنه قارشق

« اوت ! چونکه سن مشرکسک . بن الحمدلله موحد و مؤمنم . آره منی اسلامیت فصل ایتدی . سن لوث اشراک ایچنده قالدقجه بنم عموجهم اوله مازسک . باطلی انکار ، حق اقرار ایدرسک ایشته اوزمان عموجهم و مطاعمسک . » جواب ردینی ویرمسی - تصور اولونسون - نه قدر مشکل الاجرا بر امردر !

ایشته بدر کبری غازیلمرینک شان مجاهدانلرینی اعلا ایدن ، نام جلالت و علویتلرینی الی یوم القیام بوتون عالم اسلامک وجدان تقدیس و تکریمنده یاشاتان بوعلو حس فدا کاری ، بصدق وفا شعاریدر . بوفضیلت صحیحه توحید پرستانه در ، که مجاهدین بدری نزد جلیل رسالت پناهیده برنجی صف التفات و نوازشده بولوندیریوردی . ینه بومزیت جلیله در ، که « اعملوا ماشئتم فقد غفرت لکم = سز ، که بنم او غرمده مال و جانکیزی فدا ايله مبنای اسلامیتک مؤسسارلی اولمق کبی ممتاز و مستثنا بر خدمت در عهده و حقیله ایفا ایتدیکز ؛ ارتق ایستدیکمکیزی ایشایه بیایرسکیز . بن سزی مظهر عفو و مغفرت بولیورم [۱] بخاری . » مژده الیهیسنه نائلیتله مسعود و بختیار ایتدی . رضی الله عنهم و عن اخوانهم اجمعین .

ایشته انسانلرجه علو همتک ، فدا کارلک اقصای امکانه واصل اولمش بو عظیم النفس قهرمان شیر دللرک شو خارقه مظفریتلریله جزئی افتخار ایتلری ، یاخود - دهها دوعریسی - میل افتخار کوسترملری در حال بر آیت عتابک شرف و زولنی موجب اولیور .

مشار الیهم حضراتی ، که در عهده ایتیش اولدقلری بو مشکل الاقتحام وظیفه یی ایفا ایتشار . اسلامیتک یوزینی آغارتمشار ؛ الله و رسول اللهک پارلاق توجهلرینه ، ا - قیمتدار التفاتلرینه نائل اولمشلر ایکن ینه فخر و مباهاندن ممنوع .

چونکه مؤمنلر ، خصوصیه مؤمن کامللرک اعلا بیلرلرک : مخلوق ، افعالنده استقلال تامی یوقدر . انسان ، کاسب .. الله ، خالقدر . انسانک موفقیتی اللهک اراده سنه باغلیدر . مراد حق اولمینجه انسان نه قدر چالیشسه ، نه قدر چیرپینسه ، نه قدر دیدینسه ینه نافله . رزق دی ینه آغزینه قدر کورتور دیک لقمه آنی و غیر اختیاری بر ارتعاش یدایله یره دوشر ؛ طوبراقلره بولانیر ، قارینجهلره نصیب اولور .

دشمنه سکز اون خطوه دن مرمی آتیلیر ؛ تام قلبی اوزرینه چارپار . تبدیل سیر ايله جلدی اوزرندن دولاشه رق آرقه سندن ، مدخلک حداسنی کوستره رک چیقار کیدر . کویا لسان حال ايله : « اکر بونک اجلی کلش ، بنده او وظیفه اماتنی ایفایه مأمور اولمش اولایدم ، ایجری

[۱] مجاهدین مشار الیهین حضرت صهیب حقنده لسان اقدس محمدین (علیه الصلاة والسلام) مسموع و منقول اولان شو مدیحه جلیله یی دقتله او قویهلم : « نعم العبد صهیب ! لو لم نجف الله لم یعصه = صهیب ؛ نه ای بر ذاتدر . » اعملوا ماشئتم الحديث « التفات صدائیسنه نائل اولان بختیاران مجاهدین میاننده بولونقله برابر او یله شیار یقلقندن ، سرکشلکدن اوزاقدن . اللهک مطیع بر قولی ، رسولکک فدا کار بر بنده سی اولقله حامد و شاکر در . »

ایله مظفرتی مشیت الهیه دن نیاز ایتدیلر. اکثریتک بدینلک و امید-
سزلکنه رغماً ایلاک حملا ده منصور و مظفر اولدیلر.

قوجه اردو مزك موفقیتمسزلکنه قارشى بر قاج تکیسه مزك شوغلبه سی
جناب حق دن بزه اولیه ستملی بر مظاهرت حیات بخشادر، که لسان
ایمان و عرفان بونک حق شکرانی ادا دن عاجزدر.

آه... اگر دو نهمزه اردو مزه ویردیکمز اهمیتک بشده برینی
اولسون آیرمش، خاطری صایلیز طقوز اون دورغود، بارباروس،
صلاح الدین، قلیچ آرسلان، سایم اول، فاتح، کوپرلی، صوقوللی،
تیریاکی حسن پاشا، سایم ثالث، کرید، سالانیک، قوصوه، مناسر رزهللی
وزرهللی قرووا زورلری آلمش اولایدق.....!

ایوا! بو بازیچه ده بزلرینه یاندق!

زیرا، که زیان اورته ده بیلم نه قازاندق؟

محمد فخرالدین

فلسفه

اخلاق اسلامیة نك اساسلری

— ۲ —

وظائف اخلاقیه دن هر برینک نظر اسلامده کی موقعی تفصیل ایتمه دن
اول شریعت محمدیه جه فضائلک ناصل بر موقع بالا و مستشاده، رذائلک
نصل بر درکه پستی و ازدراده طو تولدیغی کوسترک فائده دن خالی
دکلدر.

اولجه ده سویله دیکمز کی رسول اکرم صلی الله علیه وسلم وظیفه
رسالت و دعوتنک رکن اصلیمی محاسن اخلاق اولدیغی «انما بعثت لاتم
مکارم الاخلاق» یعنی: «بن آنجق مکارم اخلاقی تماملامق ایچون
بعث اولندم» حدیث شریفی ایله تصریح بویوردقلری کی حسن اخلاقه
ویردکلری اهمیتتی الله ایله مناجات ایدرکن بیله اهل ایتیوب نمازک
باشلانغچنده: «اللهم اهدنی لاحسن الاخلاق لا یهدی لاحسنها الا
انت واصر فنی سیئها لا یصرف عن سیئها الا انت» یعنی: «یارب!
اخلاقک الک کوزلرینه وارمق ایچون بکا یول کوستر. زیرا الک کوزل
اخلاقی بیلدیرمچک آنجق سنسک. یارب! فنا اخلاقی بندن اوزاق
طوت. زیرا اخلاقک فنانی بندن اوزاقلاشدیراجق آنجق سنسک»
بویوروردی. چوق کرده: «اللهم انی اسألك الصحة والعافية
وحسن الخلق» یعنی: «الهی! سندن صحت، عافیت (یعنی دین و دنیا به
تعلق ایدن شروردن سلامت)، برده حسن اخلاق دیلهرم» دییه بارگاه
احدیه، عرض نیاز ایدردی. برکیجه ده تابصباح: «اللهم حسن خلقی
فحسن خلقی» یعنی: «الهی! سن بنم خلقمی، صورتمی کوزل یاراتدک.
خلقمی ده، سیرتمی ده کوزللاشدیر» دییه دعا بویورمشلر. کندیسنه
«یارسول الله! بوتون کیجه دعا و نیازک هب حسن خلقه دائر ایدی»
دنیلنجه «ان العبد المسلم یحسن خلقه حتی یدخله حسن خلقه الجنة ویسئ

کیرر، قلبی پارچالایوب چیقار کیدردم. لکن ایشته کوریورسکنزیا
جلد اوزرندن بر نصف دائره چیزوب کیتهمکدن باشقه برشی یابه مدم...
دیر! انسان، سلسله شئون و حادثاته چشم بصیرتله باقسه عبرت
آله جق، غریق وله و حیرت اولاجق نه حکمتلر کورور! نه آیات قدرت
وعظمت قارشیسنده بولوندیغی اکلار!

انسانی غیای خبیث و خسرا نه دوشورن غروریدر. غرورک
کیدیکی یرده سرور اولماز.

ایشته بز! اردو مزك كثرت و مکملیتنه مغرور اولدق. اوقدرکه
الهی اونوتدق. ایچمزده اولیه مست می غرورلر بولوندی که «انشاء الله!»
جهله شرطیه تضرعکارانه سیله استهزا ایتدی. دها دکزی کورمدن
پاچه لری صیغامه نك و سیر فی الخیال صورتیه سراب غروره دالمه نك
نه بویوک برجنایت وجدانیه و اخلاقیه اولدیغی الله، بزه کوستریدی [۱].
بو، باشقه دکل، الا او طاشقین، او پک شیاریق، پک بالاپروازانه
غرورمزك جزاسی اولدی. یا صوکر! چاتالجه ملحه سنده کی او
آهندلانه ثباتمز نه ایدی! چونکه وجدانمز منکسر، روحمز مجروح،
باشمز سینیه عجزه دوعری میل ایتش، لسان عمومی غیر اختیاری
«امان یارب! ایشته بودم واپسین حیاتمزدر. بزى اوتوز بش سنه نك
آزادلیمزه رذیل ایته، استانبولمزی، درت یوز ملیونلق قوجه عالم
اسلامک قبله گاه ایمان و وجدانی اولان خلافت مقدسه احمدیه نك سریر
معلاسنی دشمنه تسلیم ایته! ایشته سنک حمایتکه صیغنیور، سنک
بارگاه مرحمتکه یوزلریمزی چویریورزا! نصرت.. اللهم! مظفرت..
مدد رسمز! دیه کوزلریمزدن یاغور کی یاشلر دوکه مزك بر دلیل
عفو و مغفرتی ایدی.

حربی بدایتدن برو بالذات تعقیب ایدنلر بو صوک غوغاده عسکر-
یمزك کوستریدی ثبات و متانت قارشیسنده «عجبا بونلر قرق کلیساده،
ویزه ده کیلر میدر؟» دییه بر صیحه حیرت قوپارمقدن کندیلرینی منع
ایده مدیلر. [۲] انسانک، میدان حربده کی اعتدال و سکینتی، شجاعت
و حماسی، مرملرینی هدفه اصابتی کندی مالی دکل، اللهکدر. یالکز
بونلرمی یا؟ کندیسیده اونک دکلی؟

شمدی برده مینی مینی، هانی او یتیم کی جیلز، ضعیف قالان،
بونجه فریادلره، بونجه ارشادلره رغماً بر دورلو انظار اهمیتتی اوزرینه
جلب ایدمه مین دو نهمزنی درخاطر ایدم. وجود ایچنده فجیع بر عدم
شکلی کوسترن دکز قطعاتی نهایت بر فوران دینی و ملی ایله حربه
حاضر لاندیلر. امرا، ضابطان و افراد عموماً آبدست آلاق چناق
قلعه نك افقلرینی صارصان زمزمه تکبیر و تهلیل ایله میدان حمیت
و شهادته آتلدیلر. اک صمیمی بر عصمت وجدان، بر تسلیمیت روح

[۱] فرانسزلر ۱۸۷۰ سفرنده «کوکلر یره دوشسه سونکولریمزله
طوتارز!؟» درجه سنده بر جنت غرور کچیریرکن المانلر بالعکس تواضع،
محویت کوستریریور، معبدلرنده اللهدن نصرت ایستیورلردی. صوکره
نه اولدی...؟

[۲] حتی بر اجنبی آتشه میلتری «چاتالجه محاربه سنده الله مسلمانلرله
برابر ایدی.» دیور.